



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

ACTA DA SESIÓN EXTRAORDINARIA DO PLENO DO CONCELLO DE BERGONDO DO MÉRCORES 11 DE NOVEMBRO DE 2020

No salón de sesións da Casa do Concello, ás 19:30 horas do mércores 11 de novembro de 2020 ten lugar a sesión plenaria extraordinaria, en primeira convocatoria, presidida pola alcaldesa-presidenta, D^a. Alejandra Pérez Máquez, do Grupo municipal Socialista, e coa asistencia dos/as señores/as concelleiros/as seguintes:

Grupo municipal Socialista (PSdG-PSOE):

D. José Ramón Lorenzo Carou
D.^a Patricia María Vázquez Figueroa
D.^a M^a Begoña Calviño Dorado
D. Santiago Franco Blanco

Grupo municipal de Alternativa dos Veciños (AV)

D. Juan Antonio Fariña Pedreira
D. Eloy Babío Veiga

Grupo municipal do Partido Popular (PP)

D. Francisco Manuel Fafián Torreiro
D.^a María del Loreto Caseiras Arroyo
D.^a Alicia María Souto Ramos
D. María Arca Nieto

Grupo Mixto:

D. David Carro Temprano

Non asiste D. Juan Francisco Sánchez López do grupo municipal do PsdeG-PSOE.

Foron asistidos pola interventora municipal D^a. Laura Gutierrez Ortiz, e pola secretaria xeral, D^a. Ana María Cacharrón Castelos.

ORDE DO DÍA:

- 1. AGRUPACIÓN VOLUNTARIA PARA O SOSTEMENTO EN COMÚN DO POSTO DE TESOURERÍA. ACORDOS QUE PROCEDAN**
- 2. CONVENIO DE COLABORACIÓN PARA O DESENVOLVEMENTO CONXUNTO DO TRANSPORTE METROPOLITANO DE GALICIA NA ÁREA DE TRANSPORTE METROPOLITANO DA CORUÑA. ACORDOS QUE PROCEDAN**
- 3. PACTO DE ALCALDÍAS PARA O CLIMA E A ENERXÍA. ACORDOS QUE PROCEDAN**

1. AGRUPACIÓN VOLUNTARIA PARA O SOSTEMENTO EN COMÚN DO POSTO DE TESOURERÍA. ACORDOS QUE PROCEDAN.

A continuación dáselles conta aos/ás asistentes da proposta dictaminada favorablemente por maioría de votos a

1 (32)

PL 11.11.2020

Documento electrónico firmado digitalmente cuya integridad se garantiza mediante cotejo en la Sede Electrónica de este Organismo con Código de Verificación Digital (CVD) especificado al margen. (artículo 42.b de la Ley 40/2015, de 1 de octubre, del régimen jurídico del sector público)



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

favor, pola Comisión Informativa de Asuntos do Pleno, en xuntanza do 6 de novembro de 2020, que transcrita literalmente di:

“Os Concellos de Abegondo, Carral, Miño e Bergondo, acordaron nos seus respectivos plenos, e tal como se expuxo na xuntanza previa levada a cabo coa Subdirectora xeral de réxime xurídico local da Dirección Xeral de Administración Local da Xunta de Galicia, a incoación do expediente de para a constitución da agrupación voluntaria dos Concellos de Bergondo, Abegondo, Carral e Miño para o mantemento en común do posto de Tesourería.

Ademáis, aprobáronse polo plenos dos catro concellos, inicialmente, os Estatutos que haberían de rexer a devandita agrupación, elaborados previamente pola Comisión paritaria creada polos catro concellos citados para tal fin, que formulou a súa proposta en xuntanza do 9 de decembro de 2019.

O expediente someteuse á preceptiva información pública mediante anuncio inserido no Boletín Oficial da Provincia núm. 12 do 20 de xaneiro de 2020, polo prazo dun mes.

No prazo de exposición pública non se presentaron alegacións.

O 3 de febreiro de 2020, solicitáronse os informes preceptivos á Delegación do Goberno en Galicia e á Deputación Provincial da Coruña, que non emitiron o informe en prazo. De xeito extemporáneo, recibouse informe favorable da Delegación do Goberno en Galicia o 5 de marzo de 2020.

O 6 de marzo de 2020, no Boletín Oficial do Estado núm. 57, do 6 de marzo de 2020, publicouse a Resolución de 25 de febrero de 2020, de la Dirección General de la Función Pública, por la que se resuelve el concurso unitario de provisión de puestos de trabajo reservados a funcionarios de administración local con habilitación de carácter nacional, en cuxo artigo terceiro, adxudica os postos incluídos na convocatoria, nos termos que se determinan no anexo adxunto, entre os que figuraba, na Comunidade Autónoma de Galicia, no eido das Tesourerías, a do Concello de Miño, resultando adxudicataria, dona Paula Herráez Blanco.

Entendendo que tal Resolución ven a afectar de xeito profundo e directo aos acordos acadados con anterioridade referidos á constitución da agrupación voluntaria dos Concellos de Bergondo, Abegondo, Carral e Miño para o mantemento en común do posto de Tesourería, de xeito que se alteran as condicións inicialmente pactadas e reflectadas nos Estatutos da agrupación, aprobados inicialmente polos plenos municipais, os integrantes da Comisión paritaria, en xuntanza do 22.10.2020 acordaron desistir de tal agrupación nos termos planteados nos acordos iniciais.

Considerando que, as necesidades iniciais que impulsaron a constitución dunha agrupación voluntaria para mantemento en común do posto de Tesourería subsisten.

Considerando que de conformidade coas disposición legais e regulamentarias citadas, que prevén a agrupación para o sostemento en común dos postos reservados a funcionarios con habilitación de carácter nacional nas entidades locais cuxo volume de servizos ou recursos sexa insuficiente, por criterios de economía, como xa se valorou con motivo da aprobación da Relación de Postos de traballo, considerando a capacidade económica do concello, tratándose dun municipio que pola dinámica poboacional (estancamento en número de habitantes), como é a tónica xeral dos concellos galegos, e pola dinámica económica conta cun potencial de



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

recursos propios limitado (o estancamento de poboación incide directamente no descenso dos recursos económicos, dado que non se incrementan no tempo, fundamentalmente porque a principal fonte de ingresos ordinarios, participación nos Tributos do Estado, vai en proporción da nosa poboación), sendo sen embargo posible o sostemento do posto de tesourería en común mediante achega da parte alícuota que se determine nos custes que orixine, xunto cos Concello de Abegondo e Carral.

Responde tamén a criterios de eficiencia y eficacia xa que permitirá exercer as funcións de control da tesourería local coa necesaria independencia e autonomía de funcións á vez que con plenitude de contido ao tempo que xa que o resto dos municipios, coma Bergondo, cuxa agrupación se pretende, delegaron a maioría da xestión e recadación voluntaria e a totalidade da recadación executiva dos seus recursos propios na Deputación Provincial.

Considerando que a normativa vixente prevé a agrupación para o sostemento en común dos postos reservados a funcionarios con habilitación de carácter nacional nas entidades locais cuxo volume de servizos ou recursos sexa insuficiente, o máis actual artigo 14 do Real decreto 128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional, establece: “1. En las Corporaciones Locales cuya Secretaría esté clasificada en primera o segunda clase, existirá un puesto de trabajo denominado Tesorería, al que corresponderá la responsabilidad administrativa de las funciones enumeradas en el artículo 5 de este real decreto.

2. Los puestos a que se refiere el apartado anterior, estarán reservados a funcionarios de Administración Local con habilitación de carácter nacional de la subescala de Intervención- Tesorería.

3. Las Entidades Locales cuya Secretaría esté clasificada en clase 2.^a y 3.^a, podrán agruparse entre sí para el sostenimiento en común de un puesto único de Tesorería, al que corresponderá la responsabilidad administrativa de las funciones propias de este puesto de trabajo en todos los municipios agrupados.(...)”

Considerando o desenvolvemento da previsión legal nos artigos 11, 12 e 13 do Decreto 49/2009, do 26 de febreiro, sobre o exercicio das competencias da Comunidade Autónoma de Galicia respecto dos/as funcionarios/as con habilitación de carácter estatal.

Á vista do exposto, esta alcaldía propón, que polo Pleno do concello, previo ditame da Comisión Informativa, se adopte o seguinte acordo:

PRIMEIRO. *Desistir do procedemento para a constitución da agrupación voluntaria dos Concellos de Bergondo, Abegondo, Carral e Miño para o mantemento en común do posto de Tesourería, polas razóns expostas no corpo do presente acordo.*

SEGUNDO. *Na súa consecuencia, incoar o expediente para a creación dunha agrupación voluntaria intermunicipal con obxecto de sostener en común o posto de Tesoureiro/a cos Concellos de Abegondo e Carral.*

TERCEIRO. *Remitir este acordo aos Concellos de Abegondo e Carral, invitándolles a negociar a posible agrupación das Tesourerías dos tres concellos.*

CUARTO. *Desinar á alcaldesa-presidenta, Alejandra Pérez Máquez, como representante do Concello de Bergondo na Comisión paritaria dos Concellos de Bergondo, Abegondo e Carral que se constituía para entablar as negociacións tendentes á elaboración dos Estatutos da agrupación e que estará formada por tres*



membros, un por cada concello, asistidos polos/as responsables das secretarías e intervencións dos respectivos concellos.

QUINTO. Que o borrador dos estatutos, para o establecemento da posible agrupación sexan de partida os que se acompañan coa memoria xustificativa da alcaldía, texto elaborado pola comisión paritaria anterior sobre o proporcionado pola Dirección Xeral de Administración Local, e que trasladarase aos Concellos de Abegondo e Carral para iniciar as negociacións.

Bergondo, 26 de outubro de 2020

A alcaldesa. Alejandra Pérez Máquez”

A Sra. Alcaldesa explica que, dado que no Concello de Miño a praza de Tesourería xa está ocupada por unha funcionaria, desistimos do procedemento actual que se estaba levando a cabo cos catro concellos e iniciamos o procedemento para os tres concellos restantes: Abegondo, Carral e Bergondo. Si hoxe esta proposta sae aprobada, a semana que vén volveremos a xuntarnos para a redacción dos novos estatutos que serán baseados na redacción dos anteriores, cambiando fundamentalmente a periodicidade e os días de asistencia da persoa as diferentes concellos.

O Sr. voceiro do PP pregunta si esta é unha proposta temporal, de non larga duración.

A Sra Alcaldesa indica que se vai iniciar un novo procedemento que integre os tres concellos e que terá que vir aínda a pleno.

O Sr. voceiro do grupo mixto indica que en consonancia co manifestado nos plenos anteriores, o seu voto vai a ser a abstención.

O Sr. voceiro de AV di que non ten nada que manifestar.

Trala correspondente deliberación, e rematadas as intervencións, sométese o ditame a votación, que tivo o seguinte resultado: grupo municipal do PSdG-PSOE: cinco (5) votos a favor; grupo municipal do Partido Popular: catro (4) votos a favor; grupo municipal de Alternativa dos Veciños: dous (2) votos a favor; grupo mixto: unha (1) abstención. **Total once (11) votos a favor e unha (1) abstención.**

En consecuencia, pola Sra. alcaldesa **declárase aprobado, por maioría de votos a favor** o ditame que devén en acordo nos termos antes transcritos

2. CONVENIO DE COLABORACIÓN PARA O DESENVOLVEMENTO CONXUNTO DO TRANSPORTE METROPOLITANO DE GALICIA NA ÁREA DE TRANSPORTE METROPOLITANO DA CORUÑA. ACORDOS QUE PROCEDAN. EXPEDIENTE. 2020/X998/000478

A continuación dáselles conta aos/ás asistentes da proposta dictaminada favorablemente por maioría de votos a favor, pola Comisión Informativa de Asuntos do Pleno, en xuntanza do 6 de novembro de 2020, que transcrita literalmente di:



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

“Coa finalidade de contribuír ao impulso do sistema de transporte público colectivo, a Xunta de Galicia desenvolveu un primeiro proxecto de mellora do transporte nas sete principais aglomeracións urbanas de Galicia, dando lugar, no caso da área da Coruña, á formalización o 2 de marzo de 2005, xunto cos concellos da Coruña, Arteixo, Cambre, Culleredo e Oleiros, dun primeiro convenio de colaboración para a implantación dun primeiro grupo de medidas de fomento do transporte público.

Posteriormente, as vantaxes introducidas a través desta liña colaboración darían lugar á integración de novos concellos.

O pleno municipal de Bergondo, na sesión que tivo lugar o 27 de marzo de 2008, aprobou a inclusión do Concello de Bergondo na Área do transporte Metropolitano da Coruña; no acordo adoptado con motivo da devandita inclusión, acordouse tamén, asumir as obrigas económicas derivadas da sinatura dun Convenio de colaboración entre a que era, naquelas datas, a Consellería de Política Territorial, Obras Públicas e Transporte da Xunta de Galicia e os concellos integrantes da citada área.

O día 22 de marzo de 2010, a Consellería de Medio Ambiente, Territorio e Infraestruturas, remitiu o modelo de Convenio de Colaboración para o desenvolvemento conxunto do transporte Metropolitano na área de Transporte Metropolitano da Coruña. O Concello de Bergondo, en sesión plenaria ordinaria do 25 de marzo de 2010, aprobou o texto do Convenio de Colaboración para o desenvolvemento conxunto do transporte Metropolitano na área de Transporte Metropolitano da Coruña, cuxo obxecto era establecer as bases de colaboración entre as partes asinantes, para a aplicación das medidas de fomento do transporte público de viaxeiros entre as partes asinantes, para a aplicación das medidas de fomento do transporte público de viaxeiros na Área de transporte metropolitano da Coruña, facultando á sra. Alcaldesa para a súa sinatura, en representación do Concello de Bergondo e para aas actuación referentes ao seu desenvolvemento, e remitir certificación do citado acordo á Consellería.

Finalmente, todas estas actuacións, remataron na formalización dun novo convenio de colaboración o 22 de outubro de 2010, entre a Xunta de Galicia e os concellos da Coruña, Oleiros, Arteixo, Culleredo, Sada, Betanzos, Bergondo, Abegondo, Carral e Cambre. Con esta evolución da liña de colaboración, as Administracións favoreceron a introdución de importantes melloras para as persoas usuarias, máis alá do abaratamento do prezo do transporte, tales como a simplificación de prezos mediante a introdución dunha tarifa zonal e a despenalización do transbordo, contribuíndo á integración dos sistemas de transporte interurbano e urbano.

O citado Convenio tiña unha vixencia ata o 31 de decembro de 2015, con posibilidade de prórroga por prazos dun ano coa fin de manter a liña de colaboración iniciada durante a elaboración, tramitación e formalización dun novo marco de colaboración que veña a dar continuidade ao Convenio. Así, a Comisión de Seguimento prevista no Convenio, e logo da entrada en vigor da Lei 40/2015, do 1 de outubro, de réxime xurídico do sector público, acordou prorrogar o convenio ata por catro períodos anuais.

Logo de varios trámites previos, con data 19 de outubro de 2020, e núm. de rexistro de entrada 20209000000835, o directo xeral de mobilidade remite o texto definitivo do novo Convenio de colaboración para o desenvolvemento conxunto do Transporte Metropolitano de Galicia na área de Transporte Metropolitano da Coruña, solicitando que se remita ao acordo municipal de aprobación antes do 13 de novembro á Consellería



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

de Infraestruturas e Mobilidade da Xunta de Galicia.

Polo que, propónse ao Pleno municipal, previo ditame da comisión informativa de asuntos do pleno, a adopción do seguinte ACORDO:

Primeiro. *Aprobar o texto do Convenio de colaboración para o desenvolvemento conxunto do Transporte Metropolitano de Galicia na área de Transporte Metropolitano da Coruña, a subscribir entre a Consellería de Infraestruturas e Mobilidade da Xunta de Galicia, e os Concellos da Coruña, Abegondo, Arteixo, Bergondo, Betanzos, Cambre, Carballo, Carral, Cerceda, Culleredo, Curtis, A Laracha, Miño, Oleiros, Ordes, Oza-Cesuras, e Sada, cuxo obxecto é establecer as bases de colaboración entre as partes asinantes para dar continuidade á aplicación das medidas de fomento do transporte público de viaxeiros en desenvolvemento do denominado Plan de transporte metropolitano de Galicia (en diante PTMG) na área da Coruña (e que se transcribe como Anexo ao presente acordo, xunto co seu anexo técnico).*

Segundo. *Asumir as obrigas económicas derivadas para o Concello de Bergondo da sinatura do citado Convenio de colaboración.*

Terceiro. *Facultar á sra. Alcaldesa-presidenta para a sinatura do devandito Convenio de colaboración, en nome e representación do Concello de Bergondo, a para a realización das actuacións necesarias para o seu desenvolvemento.*

Cuarto. *Remitir unha certificación do presente acordo á Consellería de Infraestruturas e Mobilidade da Xunta de Galicia.*

ANEXO

CONVENIO DE COLABORACIÓN PARA O DESENVOLVEMENTO CONXUNTO DO TRANSPORTE METROPOLITANO DE GALICIA NA ÁREA DE TRANSPORTE METROPOLITANO DA CORUÑA

(Lugar e data)

REUNIDOS:

D^a. Ethel Vázquez Mourelle, conselleira de Infraestruturas e Mobilidade da Xunta de Galicia, en nome e representación da dita consellería.

D^a. Inés Rey García, alcaldesa do Concello da Coruña, en nome e representación do referido concello.

D. José Antonio Santiso Miramontes, alcalde do Concello de Abegondo, en nome e representación do referido concello.

D. Carlos Calvelo Martínez, alcalde do Concello de Arteixo, en nome e representación do referido concello.

D^a. Alejandra Pérez Máquez, alcaldesa do Concello de Bergondo, en nome e representación do referido concello.

D^a. María Barral Varela, alcaldesa do Concello de Betanzos, en nome e representación do referido concello.

D. Óscar García Patiño, alcalde do Concello de Cambre, en nome e representación do referido concello.

D. Evencio Ferrero Rodríguez, alcalde do Concello de Carballo, en nome e representación do referido concello.

D. Javier Gestal Pose, alcalde do Concello de Carral, en nome e representación do referido concello.

D. Juan Manuel Rodríguez García, alcalde do Concello de Cerceda, en nome e representación do referido concello.

D. José Ramón Rioboo Castro, alcalde do Concello de Culleredo, en nome e representación do referido concello.

D. Javier Francisco Caínzos Vazquez, alcalde do Concello de Curtis, en nome e representación do referido concello.

D. José Manuel López Varela, alcalde do Concello da Laracha, en nome e representación do referido concello.

D. Manuel Vázquez Faraldo, alcalde do Concello de Miño, en nome e representación do referido concello.

D. Ángel García Seoane, alcalde do Concello de Oleiros, en nome e representación do referido concello.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

- D. José Luis Martínez Sanjurjo, alcalde do Concello de Ordes, en nome e representación do referido concello.
D. José Pablo González Cacheiro, alcalde do Concello de Oza-Cesuras, en nome e representación do referido concello.
D. Óscar Benito Portela Fernández, alcalde do Concello de Sada, en nome e representación do referido concello.

As partes recoñécense competencia no concepto no que respectivamente interveñen e con capacidade legal para formalizar o presente convenio de colaboración, e para ese efecto

EXPOÑEN:

O transporte público colectivo de persoas non só se configura como servizo público de carácter esencial para a poboación, senón que tamén contribúe á redución da contaminación e da conxestión das nosas cidades e, por tanto, ao incremento da calidade de vida do conxunto da poboación.

Coa finalidade de contribuír ao impulso do sistema de transporte público colectivo, a Xunta de Galicia desenvolveu un primeiro proxecto de mellora do transporte nas sete principais aglomeracións urbanas de Galicia, dando lugar, no caso da área da Coruña, á formalización o 2 de marzo de 2005, xunto cos concellos da Coruña, Arteixo, Cambre, Culleredo e Oleiros, dun primeiro convenio de colaboración para a implantación dun primeiro grupo de medidas de fomento do transporte público.

Posteriormente, as vantaxes introducidas a través desta liña colaboración darían lugar á integración de novos concellos e, finalmente, á formalización dun novo convenio de colaboración o 22 de outubro de 2010, entre a Xunta de Galicia e os concellos da Coruña, Oleiros, Arteixo, Culleredo, Sada, Betanzos, Bergondo, Abegondo, Carral e Cambre. Con esta evolución da liña de colaboración, as Administracións favoreceron a introdución de importantes melloras para as persoas usuarias, máis alá do abaratamento do prezo do transporte, tales como a simplificación de prezos mediante a introdución dunha tarifa zonal e a despenalización do transbordo, contribuíndo á integración dos sistemas de transporte interurbano e urbano.

O citado Convenio tiña unha vixencia ata o 31 de decembro de 2015, con posibilidade de prórroga por prazos dun ano coa fin de manter a liña de colaboración iniciada durante a elaboración, tramitación e formalización dun novo marco de colaboración que veña a dar continuidade ao Convenio. Así, a Comisión de Seguimento prevista no Convenio, e logo da entrada en vigor da Lei 40/2015, do 1 de outubro, de réxime xurídico do sector público, acordou prorrogar o convenio ata por catro períodos anuais.

Deste xeito, a unanimidade acadada nestas sucesivas prórrogas desta liña de colaboración, xunto co interese para adherirse ao mesmo de concellos como A Laracha, Carballo, Cerceda, Miño, Oza-Cesuras e Ordes, son mostras das considerables vantaxes deste novo modelo e da súa aceptación polo conxunto da cidadanía da zona.

Adicionalmente, cómpre pór de manifesto que este proxecto veríase beneficiado favorablemente coa implantación doutras medidas ao longo deste xa longo período temporal, entre as que cómpre destacar a implantación da tarifa Xente Nova por parte da Xunta de Galicia, que permite actualmente que os mozos e mozas de ata 20 anos, incluídos, poidan viaxar gratis no transporte metropolitano interurbano da Coruña, entre outros ámbitos territoriais. De feito, a última ampliación do ámbito territorial desta tarifa gratuíta levou á súa aplicación non só nas Áreas de Transporte Metropolitano da Coruña, Ferrol, Lugo, Santiago de Compostela e Vigo, senón tamén á área de Pontevedra e a toda a provincia de Ourense; e está prevista a súa progresiva expansión ao conxunto da Comunidade Autónoma.



Esta ampliación do ámbito de aplicación da tarifa Xente Nova anticipa a previsión por parte da Xunta de Galicia de acadar unha nova revisión do modelo de transporte metropolitano, que deberá dar lugar á creación da Área Única de Transportes de Galicia logo da implantación dos novos contratos de concesión de servizos públicos de transporte previstos no Plan de Transporte Público de Galicia, e da súa valoración xunto coas Administracións locais. Esta previsión leva a que se considere necesario garantir o mantemento do actual sistema de transporte metropolitano e, en concreto, o desenvolto na denominada Área de Transporte Metropolitano da Coruña, ata que se desenvolva plenamente e se proceda á implantación deste proxecto.

Deste modo, o principal obxectivo que se persegue coa sinatura deste novo Convenio é manter a liña de colaboración existente entre as diferentes Administracións co obxectivo final de garantir a continuidade das accións de promoción do transporte público colectivo en tanto se procede ao desenvolvemento e implantación da Área Única de Transportes de Galicia.

De conformidade co exposto, e en aras dos principios de colaboración, cooperación e coordinación que deben presidir as relacións entre as Administracións públicas, é vontade das partes relacionadas no encabezamento proceder á execución dunha serie de actuacións conxuntas que permitan o mellor desenvolvemento do transporte metropolitano no seu ámbito, como medidas de fomento da mobilidade sostible, para o que formulan o presente convenio con base nas seguintes

ESTIPULACIÓNS:

Primeira.- Obxecto e ámbito de aplicación

O presente convenio de colaboración ten por obxecto establecer as bases de colaboración entre as partes asinantes para dar continuidade á aplicación das medidas de fomento do transporte público de viaxeiros en desenvolvemento do denominado Plan de transporte metropolitano de Galicia (en diante PTMG) na área da Coruña.

Con este obxecto, o ámbito xeográfico dos municipios asinantes conforma, con efectos funcionais para o desenvolvemento do presente convenio, a denominada Área de Transporte Metropolitano da Coruña (en diante, ATM da Coruña).

Segunda.- Programa de integración de redes de transporte público e política tarifaria 2.1.- Integración de redes

As Administración asinantes comprométese a levar a cabo todas aquelas actuacións que consideren necesarias para garantir unha mellora da coordinación e da conectividade entre os diferentes servizos e modos de transporte público en concorrencia, de xeito que o transporte público na súa totalidade se beneficie nun incremento da calidade das súas prestacións para as persoas usuarias.

Para tal fin adoptaranse medidas para favorecer a integración entre as distintas redes de transporte público afectadas, tanto urbanas como periurbanas. Esta integración acadarase por dúas vías fundamentais: a mellora da conectividade física entre os distintos servizos e o establecemento dun sistema de tarifas integrado.



2.2.- Favorecemento da conectividade física

As Administracións asinantes comprométese a colaborar, no marco das súas respectivas competencias, cara unha constante mellora na integración física das redes de transporte público.

2.3.- Política tarifaria

As Administracións asinantes comprométese a manter a aplicación da política tarifaria establecida con base no convenio formalizado con data do 25 de outubro de 2010, e de acordo coas seguintes especificacións:

A) Principios básicos:

Obxectivos.- O obxectivo fundamental que persigue o PTMG a través da política tarifaria é o de fomentar a mobilidade en transporte público colectivo. Para tal fin, o sistema tarifario que se define contribúe a favorecer a coordinación entre as diferentes redes de transporte público, mellorando a calidade da integración do sistema, e o abaratamento do custo por viaxe para as persoas usuarias, coa despenalización económica para estas das operacións de conexión entre as liñas que requira a realización da súa viaxe.

Para o cumprimento deses obxectivos articúlase un sistema tarifario zonal, introdúcense medios de pago multimodais, e fíxanse unhas tarifas que introducen bonificacións á vez que despenalizan o transbordo.

Zonificación.- Acórdase dar continuidade ao sistema tarifario zonal implantado na ATM da Coruña con base no convenio de colaboración do 25 de outubro de 2010. Este sistema, durante a vixencia do presente convenio e, no seu caso, as súas prórrogas, substituirá aos preexistentes nos modos de competencia da Xunta de Galicia, e será complementario no resto.

O sistema tarifario zonal parte da división da ATM da Coruña en zonas de transporte, consideradas como agrupación dun ou varios concellos, e estableceuse o concepto do número de saltos entre zonas de transporte como variable utilizada para fixar o prezo.

Títulos de transporte.- Acórdase, por unha banda, a aplicación dun medio de pagamento, denominado Tarxeta do transporte de Galicia (en adiante TMG), válida en todos os modos de transporte con tráfico metropolitanos. Doutra banda, mantense a ordenación e simplificación dos títulos comercializados polos diferentes modos de transporte nos que a Xunta de Galicia é a Administración titular.

- **Billete sinxelo (pagamento en efectivo):** válido unicamente para unha etapa, non permite o transbordo.
- **Tarxeta do transporte de Galicia (TMG):** trátase dun medio de pagamento (tarxeta moedeiro) emitido pola Xunta de Galicia, directamente ou en colaboración con entidades financeiras, de carácter multiviaxe (permite múltiples cancelacións) e multimodal (aceptable en todos os modos con tráfico integrados). Nos pagamentos efectuados con esta tarxeta aplicaranse as bonificacións previstas no presente convenio.
- **Aplicación social da Tarxeta do transporte de Galicia (TMGS):** constitúe unha ferramenta que, mediante a utilización da TMG, permite xestionar aos promotores (públicos e/ou privados) as súas bonificacións de carácter social. Para o efecto, cando os promotores sexan os concellos participantes neste convenio, a Comisión de Seguimento deste convenio optará entre as distintas alternativas de bonificación dentro das variables que en termos tecnolóxicos permita a aplicación, preferiblemente coa finalidade de establecer perfís e niveis de desconto idénticos en todos os concellos da área; non obstante o anterior, o impulso individual deste programa por parte dalgún concello poderá ser concertada directamente entre o dito concello e a



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Xunta de Galicia. A operativa material desta aplicación será equivalente á prevista para facer efectiva a bonificación por recorrencia.

- **Tarxetas de Pagamento Integradas:** medio de pagamento que, con independencia do emisor, permite viaxar a través de varios medios ou modos de transporte, debendo establecerse o sistema de compensacións entre as diferentes Administracións en virtude dos acordos reflectidos en diferentes convenios. Terán esta consideración aquelas tarxetas equivalentes á TMG e compatibles con ela que, emitidas ou promovidas por outras Administracións, sexan incorporadas pola Dirección Xeral de Mobilidade ao sistema de transporte metropolitano de Galicia, como xa o foron a Tarxeta Millenium da Coruña e a Tarxeta Cidadá de Lugo.

Niveis de prezo.- O prezo que terán que aboar as persoas usuarias dependerá do número de saltos existentes entre a zona de transporte de orixe e destino, así como do título ou tarxeta utilizado para a súa realización. O transbordo entre servizos integrados estará, por tanto, despenalizado, sen que supoña un custo adicional para a persoa usuaria, consonte coas regras de uso establecidas en cada momento pola Dirección Xeral de Mobilidade, que concretará o tempo máximo entre cancelacións dependendo do número de saltos da viaxe.

Cabe precisar que cando se trate dun desprazamento urbano realizado en concesionarios do transporte urbano, os niveis de prezo a utilizar serán os que aprobe cada concello para as súas tarxetas de pagamento integradas e, en defecto destas, o prezo de 0 saltos aplicable aos pagamentos con TMG.

Adicionalmente, as persoas usuarias que efectúen no mes natural un determinado número de viaxes metropolitanas obterán a bonificación adicional por recorrencia establecida no anexo técnico.

Niveis de compensación aos prestatarios de servizos de transporte.- Para aqueles contratos de concesión que, de acordo co establecido pola Lei 10/2016, do 19 de xullo, de medidas urxentes para a actualización do transporte público de Galicia, se atopan en situación de continuidade na explotación, os niveis de compensación serán os aplicables no momento de formalización do presente convenio, sen prexuízo da súa actualización pola Dirección Xeral de Mobilidade, se fose o caso, atendendo á normativa aplicable en materia de tarifas. Para os contratos adjudicados no marco dos procedementos de licitación 1/2019 DXM, 2/2019 DXM e 1/2020 DXM, os niveis de compensación aplicables serán os resultantes dos ditos contratos de concesión.

Contía, natureza e límite das bonificacións.- A contía da diferenza entre os niveis de compensación e o custo efectivo repercutido en cada caso á persoa usuaria determinará o volume de recursos globais a achegar polas Administracións públicas, denominada “bonificación global da viaxe”.

A bonificación global da viaxe subdivídese en bonificación zonal, asociada á etapa principal, e bonificación por transbordos, sendo o nivel de imputación e participación das diferentes Administracións diferente en cada unha delas, conforme ao establecido na presente cláusula e no Anexo a este convenio.

Imputación das bonificacións.- As contías das bonificacións previstas na presente cláusula, cos límites establecidos na mesma, repartiranse porcentualmente entre as Administracións sobre criterios de competencia (Administración competente), natureza da etapa (transbordo ou non) e uso (concello de orixe da primeira etapa e concello destino da última), de acordo co procedemento establecido no proxecto do Plan de Transporte Metropolitano, e indicado no anexo deste convenio.

Actualizacións.- A táboa de prezos por salto e os niveis de compensación estarán sometidas ás actualizacións que periodicamente aprobe a Consellería de Infraestruturas e Mobilidade consonte coas ordes de revisión das tarifas. Sen prexuízo de revisións extraordinarias, con carácter xeral, tomarase como base para o devandito efecto as variacións experimentadas polo IPC do sector transportes, ou os mecanismos que en cada momento se contemplan legalmente. A Dirección Xeral de Mobilidade informará aos concellos destas revisións, con carácter xeral con ocasión da primeira reunión da Comisión de Seguimento que teña lugar logo da súa aprobación.



Igualmente, a Comisión de Seguimento do presente convenio poderá acordar unha alteración superior das táboas de prezos por salto atendendo fundamentalmente á evolución do sistema de transporte.

B) Procedementos:

Contía e revisión das achegas.- A achega que corresponde efectuar a cada Administración pública con base no previsto anteriormente estímase na contía determinada para ese efecto con base nas imputacións de achegas de exercicios anteriores, sen prexuízo da súa actualización anual pola Comisión de Seguimento segundo o procedemento fixado nesta mesma estipulación. A devandita previsión estímase, en todo caso, aproximada, considerando a ponderación que se efectúa con base nas liquidacións de exercicios anteriores, na que se tivo en conta tanto a penetración social dos medios de pagamento cos que operará a bonificación, como a porcentaxe global estimada de incremento de usuarios bonificados pola Administración, asumindo expresamente as partes a asunción de eventuais obrigas por riba das indicadas contías a fin de atender o gasto real que lles resulte imputable, e coa mesma sistemática que a prevista no punto anterior.

As Administracións públicas parte no convenio dispoñen do orzamento preciso para o presente exercicio e comprométense a efectuar as correspondentes previsións orzamentarias nos exercicios futuros polo importe que en cada caso corresponda segundo o Anexo e os acordos de reaxuste, actualización e liquidación adoptados pola Comisión de Seguimento do convenio.

Liquidación.- No primeiro semestre de cada ano, a Dirección Xeral de Mobilidade remitirá a cada unha das partes do convenio a liquidación do ano anterior, atendendo ás obrigas que efectivamente correspondera aboar a cada Administración. Esta liquidación será emitida e xustificada atendendo aos datos extraídos directamente da aplicación informática SITME.

A referida liquidación preverá os reaxustes das obrigas da correspondente anualidade, establecendo tanto unha minoración da parte a ingresar que deban materializar para ese ano os concellos excedentarios do ano anterior coa incorporación pola Consellería de Infraestruturas e Mobilidade dos fondos sobrantes daquel exercicio polas súas respectivas participacións; como un incremento do correspondente aos municipios deficitarios, ata o importe non cuberto no exercicio anterior.

Transferencia e xestión das achegas.- As achegas indicadas serán xestionadas pola Dirección Xeral de Mobilidade da Consellería de Infraestruturas e Mobilidade da Xunta de Galicia. Para tal fin, os concellos partícipes comprométense a transferir a esta as súas correspondentes achegas no prazo máximo de dous meses dende que a Dirección Xeral de Mobilidade efectúe a indicada comunicación da liquidación do ano anterior e o importe que corresponda ingresar no corrente, consonte co indicado nesta estipulación. As Administracións deberán efectuar o ingreso na conta xeral da Xunta de Galicia, e achegar á Dirección Xeral de Mobilidade, dentro do indicado prazo, o xustificante de ter efectuado este ingreso. Estes importes serán obxecto de incorporación na aplicación orzamentaria 07.04.512A.470.1 dos orzamentos xerais da Xunta de Galicia, na que figura o orzamento comprometido pola Administración autonómica co desagregamento de anualidades indicado no Plan de Transporte Metropolitano inserido como anexo a este convenio.

De non se efectuar as achegas correspondentes a cada Administración nos prazos fixados, as partes asumen expresamente que as mesmas terán a consideración de débedas firmes, líquidas e exhibibles pola Xunta de Galicia, quen poderá reter e compensar os referidos importes das cantidades que lles correspondan aos concellos como participación no Fondo de Cooperación Local, consonte co legalmente establecido.

Liquidacións aos prestatarios de servizos de transporte integrados no plan.- A Dirección Xeral de Mobilidade será a encargada de tramitar a compensación aos prestatarios de servizos de transporte público integrados no eido do plan.

Esta compensación farase respectando as bases da política tarifaria previstas no Anexo deste convenio, de conformidade co establecido nas resolucións de integración dos contratistas de servizo público no eido da súa competencia.

Terceira.- Outras actuacións de fomento do transporte público

As Administracións asinantes, en aras da defensa dunha mobilidade sostible, implantarán as medidas de fomento do transporte público contidas no Anexo técnico do Plan de Transporte Metropolitano, nos termos previstos no presente convenio.



De xeito específico, as Administracións partícipes potenciarán a utilización do transporte público colectivo, e, especialmente, a introdución de medidas de discriminación positiva en favor do transporte público colectivo de viaxeiros fronte ao transporte particular.

Para a consecución destas actuacións, prevese a utilización dos seguintes mecanismos:

3.1.- Incremento da oferta de transporte público.

3.1.1. As Administracións asinantes poden acordar o establecemento de servizos públicos de transporte de viaxeiros por estrada regulares permanentes de uso xeral no ámbito da Área de Transporte Metropolitano, baixo dúas modalidades: servizos de predominante interese municipal (SIMU, no sucesivo), e servizos de interese metropolitano (SIME, no sucesivo).

a) Servizos de predominante interese municipal (SIMU). *Terán este carácter os novos servizos deseñados para atender as necesidades de desprazamento dun concello, ben sexan tráficos interiores del, ben de conexión con outro/s concello/s da área de transporte metropolitano.*

Os SIMU, en caso de presentar déficits de explotación nos seus resultados individualmente considerados, serán financiados ao 100% polos concellos nos que teñan tráficos autorizados. No caso de que afecten a máis dun municipio, os gastos distribuiranse entre eles atendendo á utilización real dos mesmos, aos quilómetros percorridos e á poboación afectada, consonte coa fórmula de ponderación destes dous elementos. Sen prexuízo do exposto, a estes servizos seralles de aplicación o programa tarifario, coas regras de distribución de gasto establecidas neste convenio.

Unha vez establecido o servizo, a Dirección Xeral de Mobilidade trasladará a cada parte o importe a satisfacer á empresa operadora. Este importe corresponderase cos datos obtidos para o efecto a través da aplicación informática SITME.

Sen prexuízo do exposto, o servizo será establecido pola Xunta de Galicia no caso de que afecte a tráficos preexistentes recollidos nos títulos contractuais de prestación de servizo de transporte regular por estrada de competencia da Administración autonómica.

b) Servizos de interese metropolitano (SIME). *Terán este carácter os servizos deseñados para atender a conexión rápida, con ou sen paradas intermedias, dos principais núcleos da ATM, especialmente cara ao núcleo principal.*

A Dirección Xeral de Mobilidade, por propia iniciativa ou atendendo as solicitudes motivadas dos concellos participantes, poderá elaborar propostas de establecemento destes servizos, que serán acordados de xeito bilateral entre a Xunta de Galicia e os concellos afectados, prevendo nos ditos convenios que o déficit de explotación destes servizos será asumido nun 80% pola Xunta de Galicia e nun 20% polos concellos nos que teña tráficos autorizados o servizo. Aos servizos que se implanten consonte co anterior, seralles de aplicación o programa tarifario establecido neste convenio, coas regras de distribución de gasto establecidas neste Anexo.

3.1.2. Coa formalización do presente convenio, as partes recoñecen coñecer os SIMUs actualmente existentes, correspondentes aos concellos de Arteixo, Cambre, Culleredo e Oleiros, asumindo estes concellos o compromiso de mantemento dos mesmos durante a vixencia do presente convenio e, se fose o caso, as súas prórrogas, agás no suposto de asunción por parte do propio concello da competencia sobre o transporte público urbano. Neste último caso, os servizos municipais quedarán integrados neste convenio coas mesmas condicións de imputación de bonificacións establecidas para o transporte urbano da cidade cabeceira, manténdose os criterios de imputación previos para os servizos interurbanos que continúen a atender tráficos a ou dende o dito concello.

Dos convenios específicos que se formalicen entre a Xunta de Galicia e e o/s concello/s directamente interesado/s na implantación de novos servizos que supoñan un incremento da oferta de transportes, tanto na forma de SIMUs como de SIMEs, sen prexuízo da súa aplicación consonte co que se prevea nos ditos convenios, informarase ao conxunto de administracións participantes no seo da comisión de seguimento do presente convenio.



Sen prexuízo da anterior previsión de mantemento dos SIMUs indicados anteriormente, por proposta dos concellos directamente interesados, ou da Xunta de Galicia, poderán modificarse as súas condicións, o que se instrumentalizará a través dun convenio bilateral entre as indicadas administracións; igualmente, os concellos poderán comunicar á Dirección Xeral de Mobilidade a súa intención de suprimir os ditos servizos, comunicación que deberá efectuarse con, cando menos, tres meses de antelación á data na que se faga efectiva, debendo coincidir esta, agás acordo expreso das partes, co primeiro inicio de ano posterior ao transcurso do dito período de tres meses.

3.1.3. A implantación efectiva dos novos servizos, SIMU ou SIME, efectuarase consonte coa normativa sectorial que resulta de aplicación e os correspondentes pregos de condicións aplicables aos diferentes contratos, prevéndose, con carácter xeral, o pagamento directamente por parte das Administracións promotoras aos concesionarios prestatarios dos servizos, logo da comunicación da liquidación correspondente por parte da Dirección Xeral de Mobilidade.

3.2.- Infraestruturas de transporte público.

As Administracións asinantes comprométense a manter accións para a mellora das infraestruturas do transporte metropolitano no ámbito da área.

Singularmente, os concellos participantes asumen o compromiso expreso de instalación, mantemento e conservación das infraestruturas, marquesiñas e postes de parada, executadas con base neste ou anteriores convenios para a implantación de sistemas de transporte metropolitano, ou subministrados pola Xunta de Galicia.

3.3.- Promoción do transporte metropolitano.

As Administracións asinantes comprométense á promoción do transporte metropolitano de Galicia na área da Coruña.

Dentro das funcións de promoción do transporte público por estrada en xeral, a Xunta de Galicia ten previsto a implantación dun Sistema de Axuda á Explotación (“SAE”) nos servizos públicos de transporte regular de viaxeiros por estrada de uso xeral obxecto dos procedementos de adxudicación 1/2019 DXM; 2/2019 DXM; e 1/2020 DXM. Mediante este sistema optimizarase a prestación dos servizos de transporte terrestre por autobús, facilitando o acceso das persoas usuarias á información relativa á prestación destes servizos (horarios...) en tempo real.

Ata o momento no que o proxecto SAE estea implantado efectivamente e sexa este o sistema que o faga de xeito inmediato, dentro das funcións de promoción do transporte metropolitano, a Dirección Xeral de Mobilidade asume o compromiso de editar e manter actualizados periodicamente os horarios dos servizos de transporte na web bus.gal. Pola súa banda, os concellos asumen a obriga da súa difusión pública e, singularmente, do emprazamento e renovación nas marquesiñas e demais infraestruturas do transporte metropolitano.

Cuarta.- Comisión de Seguimento

4.1. **Composición.**- A Comisión de Seguimento integrará a todas as Administracións partícipes no presente convenio e estará composta por:

- A persoa titular da Consellería de Infraestruturas e Mobilidade, que a presidirá e exercerá o dereito de voto que corresponde á Xunta de Galicia, podendo delegar o exercicio das súas funcións na vicepresidencia da comisión.
- A persoa titular da Dirección Xeral de Mobilidade da Xunta de Galicia, que actuará como vicepresidente, podendo ser suplida pola persoa titular da Subdirección Xeral de Ordenación do Transporte da indicada dirección xeral. Sen prexuízo da delegación prevista no apartado anterior, á persoa titular da Dirección Xeral de Mobilidade, ou ao seu suplente, corresponderalle a presidencia en caso de ausencia do Presidente, exercendo nese caso o dereito de voto que corresponde á Xunta de Galicia.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

- O Alcalde- Presidente de cada un dos municipios asinantes, que exercerán o dereito a voto que a cada un deles lles corresponda; poderán ser suplidos por un concelleiro das respectivas corporacións. Os devanditos representantes poderán acudir ás reunións desta Comisión asistidos por un técnico do indicado municipio.
- Ata tres técnicos da Consellería Infraestruturas e Mobilidade, designados pola persoa titular da Dirección Xeral de Mobilidade.
- Como secretario desta comisión asistirá ás súas reunións, con voz pero sen voto, un técnico da Dirección Xeral de Mobilidade.

A persoa que deteña a presidencia da comisión poderá autorizar a asistencia á mesma, con voz pero sen voto, de canto persoal técnico vinculado directa ou indirectamente coas Administracións estime oportuno.

4.2. Funcións.- A Comisión de Seguimento será a encargada do seguimento, interpretación e control do cumprimento do presente convenio e asumirá, en particular, as seguintes funcións:

- a) Impulsar a programación das actuacións incluídas no ámbito do presente convenio, propondo no seu caso as variacións que se consideren precisas.
- b) Resolver os problemas que se susciten na interpretación deste convenio.
- c) Garantir o intercambio de información entre as Administracións participantes.
- d) Elaborar e elevar ás respectivas Administracións competentes de propostas destinadas a mellorar a eficiencia do sistema de transporte da Área de Transporte Metropolitano da Coruña.
- e) Proponer e impulsar a introdución de bonificacións especiais a colectivos específicos de usuarios.
- f) Modificar as condicións concretas de utilización dos títulos tarifarios metropolitanos.
- g) Analizar e proponer ás Administracións parte a adopción progresiva de medidas de discriminación positiva a favor do transporte público colectivo fronte ao transporte particular; para tal fin, sen prexuízo dos compromisos asumidos xa no presente convenio, a comisión promoverá o desenvolvemento e seguimento de estudos sobre a introdución, entre outras medidas, de carrís bus, restricións de estacionamento, direccións únicas, prioridade semafórica, ...
- h) Todas aquelas funcións que se lle atribúan no presente convenio.

4.3.- Operatividade. A comisión reunirse cunha periodicidade cando menos semestral. Así mesmo tamén deberá reunirse cando o decidan:

- O seu Presidente.
- O vinte e cinco por cento dos votos ponderados que represente á metade dos concellos.

A comisión adoptará os seus acordos por maioría simple do total dos votos ponderados emitidos. Non entanto, será preciso o voto cualificado do sesenta por cento do voto ponderado e un mínimo de tres concellos para a adopción de propostas de integración de novos membros no ámbito do convenio.

No caso de adopción de propostas que supoñan compromisos orzamentarios para as partes asinantes maiores dos previstos no propio convenio, a comisión adoptará os seus acordos pola maioría cualificada prevista no parágrafo anterior, e co voto favorable dos concellos directamente afectados. Aos efectos deste convenio, non se considerará como incremento do compromiso orzamentario as variacións nas achegas a realizar polas Administracións cando se deriven de incrementos sobre os niveis de demanda actuais de transporte público.

A ponderación de votos na comisión realizarase de acordo co seguinte baremo:

- Xunta de Galicia: 50% dos votos.
- Concellos: 50% dos votos; a asignación de votos ponderados entre os concellos realizarase de acordo coa poboación de dereito de cada un deles no momento de formalización do presente convenio, consonte coa información publicada polo Instituto Galego de Estatística, ou organismo oficial que o substitúa, e coa garantía de, cando menos, un voto por concello. Atendendo ao anterior, a distribución inicial de votos é a seguinte:



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Concello	Poboación	Poboación (%/ATM)	Votos
Abegondo	5.406	1,10%	1
Arteixo	32.262	6,56%	3
Bergondo	6.633	1,35%	1
Betanzos	12.959	2,63%	1
Cambre	24.648	5,01%	2
Carballo	31.349	6,37%	3
Carral	6.408	1,30%	1
Cerceda	5.001	1,02%	1
Coruña, A	245.711	49,94%	25
Culleredo	30.402	6,18%	3
Curtis	3.983	0,81%	1
Laracha, A	11.347	2,31%	1
Miño	6.200	1,26%	1
Oleiros	36.075	7,33%	3
Ordes	12.674	2,58%	1
Oza-Cesuras	5.101	1,04%	1
Sada	15.841	3,22%	1
Total	492.000	100,00%	50

**Datos de poboación a decembro de 2019 (fonte IGE)*

Esta distribución do voto entre os concellos poderá ser revisada anualmente a petición de calquera dos municipios, efectuada con dez días de antelación, cando menos, á data de celebración das reunións; igualmente, será revisada no caso de incorporación de novos membros, incorporando aos respectivos acordos da Comisión de Seguimento a nova distribución do voto que corresponda.

Quinta.- Duración

O presente convenio entrará en vigor o mesmo día da súa sinatura, e manterá a súa vixencia por catro anos.

Á finalización do período indicado, a Comisión de Seguimento poderá acordar a súa prórroga por un ou varios períodos sucesivos ata acadar o máximo de catro anos adicionais.

O devandito acordo deberá ser adoptado con anterioridade ao 1 de decembro do ano do seu vencemento, ou do vencemento da correspondente prórroga.

No caso de negativa dalgún concello ao mantemento da liña de colaboración, as Administracións partes poderán optar polo seu mantemento unicamente entre as que teñan mostrado expresamente a súa conformidade no seo da indicada Comisión de Seguimento.

Sen prexuízo da duración sinalada, o presente convenio finalizará no momento no que se produza a implantación da Área Única de Transporte de Galicia.

Sexta.- Extinción, modificación e novación

Por mutuo acordo das partes poderase resolver o presente convenio, na súa totalidade ou parcialmente, así como proceder á novación do mesmo, subscribindo tal acordo por escrito e coas mesmas formalidades que as do presente convenio.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

A novación subxectiva do convenio, consistente na entrada de novos municipios no seu ámbito, requirirá o acordo adoptado por maioría cualificada da Comisión de Seguimento previsto na estipulación cuarta, Logo do anterior, a Consellería de Infraestruturas e Mobilidade asinará un acordo co novo membro, mediante o que formalice a súa inclusión no ámbito do presente convenio.

A integración dun novo membro, no caso de que algunha das Administracións parte no presente convenio manfeste o seu rexeitamento, dará lugar a que non se establezan as medidas de fomento previstas no Plan de Transporte Metropolitano nas relacións de tráfico que se desenvolvan entre estes concellos.

A novación subxectiva do convenio, consistente na súa denuncia por calquera dos seus membros, requirirá a previa comunicación deste ao presidente da Comisión de Seguimento non máis tarde do día 30 de xuño do ano anterior a aquel no que se materializará a súa saída da área de transporte metropolitano da Coruña; non obstante, o dito prazo reducirase ao dun mes cando a denuncia do convenio se formule pola Xunta de Galicia como consecuencia da implantación da Área Única de Transporte de Galicia. Ante a denuncia presentada por calquera dos concellos participantes, a Dirección Xeral de Mobilidade poderá optar entre a suspensión plena das medidas de fomento do transporte público previstas neste convenio no ámbito do referido concello, ou a súa limitación ata o máximo das contías sufragadas directamente pola Xunta de Galicia.

En todo caso, aínda no caso de denuncia do convenio e saída do seu ámbito, continuarán vixentes as obrigas de mantemento e conservacións das infraestruturas de transporte que se teñan instalado no ámbito do correspondente concello, previstas neste convenio, así como as de reserva nestas de lugares para a exposición de información dos servizos de transporte público.

Sétima.- Réxime xurídico

O presente Convenio enmárcase no ámbito das relacións interadministrativas previsto no artigo 57 da Lei 7/1985, de 2 de abril, de bases do réxime local (modificado pola Lei 27/2013, do 27 de decembro, de racionalidade e sostibilidade da Administración local), e no título V, artigos 198 e 199, da Lei 5/1997, do 22 de xullo, de Administración local de Galicia.

Asemade, é de aplicación a previsión do artigo 74.5 da Lei 2/2017, do 8 de febreiro, de medidas fiscais, administrativas e de ordenación, que recolle a posibilidade dos concellos de promover ou participar en calquera momento en actuacións interadministrativas de colaboración para a mellora e o fomento do sistema de transporte público.

Este convenio encóntrase incluído dentro dos previstos no artigo 6.2 da Lei 9/2017, de 8 de novembro de 2017, de contratos do sector público, polo que queda fóra do ámbito de aplicación desta lei. Non obstante, aplicaranse os principios desta norma para resolver as dúbidas ou lagoas que puidesen presentarse.

Este convenio rexerese polas súas cláusulas e pola Lei 40/2015, do 1 de outubro, de réxime xurídico do sector público, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno da Xunta de Galicia.

A resolución das posibles cuestións litixiosas que se puidesen suscitar por incumprimento ou interpretación das súas cláusulas resolveranse, en defecto de acordo entre as partes, e dado o carácter administrativo do Convenio, pola Xurisdición Contencioso-Administrativa.

Oitava.- Derradeira

- 1. A constitución da denominada Área de Transporte Metropolitano da Coruña efectúase con efectos exclusivamente funcionais, sen que supoña a constitución de novos órganos administrativos, nin a atribución de personalidade xurídica propia, nin a atribución ou delegación de competencias propias de cada unha das Administracións asinantes.*
- 2. O presente convenio trae causa do asinado con data 22 de outubro de 2010, entre a Xunta de Galicia e os concellos da Coruña, Arteixo, Oleiros, Culleredo, Sada, Betanzos, Bergondo, Abegondo, Carral e Cambre ao que se adheriron con*



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

posterioridade os Concello da Laracha, Carballo, Cerceda, Curtis, Miño, Ordes e Oza-Cesuras, mantendo a súa vixencia entre as partes as obrigas asumidas con base no dito convenio; así, as contías ingresadas polas partes no marco deste convenio para o financiamento da política tarifaria, serán incorporadas pola Consellería de Infraestruturas e Mobilidade, e a súa liquidación efectuarase de xeito conxunto, sen prexuízo da debida separación das obrigas atendendo ao marco de colaboración ao que fosen adquiridas.

Igualmente, manteranse vixentes as obrigas asumidas polas partes para a conservación e mantemento de infraestruturas, sen prexuízo da súa interpretación, tanto respecto das novas como das preexistentes, nos termos indicados nas estipulacións do presente convenio.

E para que conste, e en proba de conformidade, os comparecentes asinan o presente convenio no lugar e data indicados no encabezamento.

*Pola Conselleira de Infraestruturas e
Mobilidade*

Polo Concello da Coruña

*Ethel Vázquez Mourelle
Polo Concello de Arteixo*

*Inés Rey García
Polo Concello de Oleiros*

*Carlos Calvelo Martínez
Polo Concello de Culleredo*

*Ángel García Seoane
Polo Concello de Sada*

*José Ramón Rioboo Castro
Polo Concello de Betanzos*

*Óscar Benito Portela Fernández
Polo Concello de Bergondo*

*María Barral Varela
Polo Concello do Abegondo*

*Alejandra Pérez Máquez
Polo Concello de Carral*

*José Antonio Santiso Miramontes
Polo Concello da Laracha*

*Javier Gestal Pose
Polo Concello de Cambre*

*José Manuel López Varela
Polo Concello de Carballo*

*Óscar García Patiño
Polo Concello de Miño*

*Evencio Ferrero Rodríguez
Polo Concello de Cerceda*

*Manuel Vázquez Faraldo
Polo Concello de Curtis*

Juan Manuel Rodríguez Garcia

Javier Francisco Caínzos Vazquez

Polo Concello de Oza-Cesuras

Polo Concello de Ordes

José Pablo González Cacheiro

José Luis Martínez Sanjurjo

ANEXO TÉCNICO DO CONVENIO DA AREA DE TRANSPORTE METROPOLITANO DA CORUÑA

INDICE:

Introdución.

O presente documento contén de xeito detallado as actuacións en desenvolvemento ou que se poderán implantar no futuro, co obxectivo último de mellorar substancialmente o transporte público na ATM da Coruña.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

O conxunto de actuacións contidas no Anexo agrúpanse ao redor de catro programas complementarios entre si:

- Programa de conectividade entre as redes de transporte público.
- Programa de oferta de servizos públicos de transporte.
- Programa tarifario.
- Programa de información e infraestruturas.

Actuacións contidas no Anexo.

A continuación recóllese para cada programa o conxunto de actuacións, en detalle, que acordaron as Administracións asinantes do Convenio.

Programa de conectividade entre as redes de transporte público.

As Administracións asinantes comprométese a levar a cabo todas aquelas actuacións que consideren necesarias para garantir unha mellora da coordinación e da conectividade entre os diferentes servizos e modos de transporte público en concorrencia, de xeito que o transporte público na súa totalidade se beneficie nun incremento da calidade das súas prestacións para as persoas usuarias.

Para tal fin, adoptaranse medidas para favorecer a integración entre as distintas redes de transporte público afectadas, tanto urbanas como periurbanas. Esta integración acadarase por dúas vías fundamentais: a mellora da conectividade e accesibilidade física entre os distintos servizos e o establecemento dun sistema de tarifas integrado.

Respecto da mellora da conectividade e accesibilidade física dos servizos, as Administracións asinantes comprométese a colaborar, no marco das súas respectivas competencias, cara unha constante mellora na integración física das redes de transporte público.

Programa de oferta de servizos públicos de transporte.

O obxectivo fundamental é establecer unha liña de actuación para satisfacer as novas demandas existentes en materia de transporte público a través dun incremento dos servizos existentes.

Nesta liña, o incremento da oferta de transporte público existente prevese levalo a cabo mediante dous tipos de actuacións:

- Por un lado, o incremento daqueles servizos que afectan na súa maior parte a un único concello, e que se denominan a estes efectos ‘de predominante interese municipal’ (no sucesivo, SIMU).
- Por outra banda, o incremento dos niveis de oferta das distintas liñas que vertebran cada unha das áreas metropolitanas “de predominante interese metropolitano” (no sucesivo, SIME).

Aos novos servizos de transporte que se creen de acordo con esta cláusula, SIMU e SIME, resultaranlles de aplicación as vantaxes da política tarifaria e o réxime de bonificacións previstas no plan.

A implantación efectiva dos novos servizos, SIMU ou SIME, efectuarase consonte coa normativa sectorial que resulta de aplicación, asumindo as Administracións que os promovan as eventuais compensacións que se deban aboar tanto aos seus prestatarios como aos contratistas dos servizos preexistentes polos tráfico afectados.

Servizos de predominante interese municipal.

Terán este carácter os novos servizos deseñados para atender as necesidades de desprazamento dun concello, ben sexan tráfico interiores del, ben de conexión con outro/s concello/s da área de transporte metropolitano.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

A implantación de novos SIMU instrumentalízase, en canto á asunción de obrigas por parte das Administracións, mediante a formalización de convenios específicos entre a Xunta de Galicia e o concello ou concellos que os promovan. Para a definición dos ditos servizos terase en conta que, no caso de presentar déficits de explotación nos seus resultados individualmente considerados, serán financiados ao 100% polos concellos nos que teñan tráfico autorizado. No caso de que afecten a máis dun municipio, no dito convenio establecerase o criterio de distribución do gasto entre os concellos, ponderando para tal fin tanto os quilómetros percorridos como a poboación afectada. Aos servizos que se implanten consonte co anterior, seralles de aplicación o programa tarifario establecido neste convenio, coas regras de distribución de gasto establecidas neste Anexo.

Coa formalización do presente convenio, as partes recoñecen coñecer os SIMUs actualmente existentes, correspondentes aos concellos de Arteixo, Cambre, Culleredo e Oleiros, e estes últimos concellos asumen o compromiso de mantemento dos mesmos durante a vixencia do presente convenio e, se fose o caso, as súas prórrogas, agás no suposto de asunción por parte do propio concello da competencia sobre o transporte público urbano. Neste último caso, a partir da asunción material da indicada prestación de servizos urbanos, estes quedarán integrados neste convenio coas mesmas condicións de imputación de bonificacións establecidas para o transporte urbano da cidade cabeceira, manténdose os criterios de imputación previos para os servizos interurbanos que continúen a atender tráfico a ou dende o dito concello.

Atendendo ao anterior, as previsións de achegas que corresponden aos indicados concellos para o mantemento dos SIMUs xa existentes, son as seguintes:

Táboa 1. Estimación anual das achegas correspondentes aos SIMUs que deberán realizar os concellos da ATM da Coruña.

Concello	Gasto anual previsto asumido polo concello debido a SIMUs
Arteixo	274.419,60 €
Cambre	80.983,31 €
Culleredo	63.026,40 €
Oleiros	68.309,64 €
TOTAL	405.755,64 €

Servizos de predominante interese metropolitano (SIME).

Terán este carácter os servizos deseñados para atender a conexión rápida, con ou sen paradas intermedias, dos principais núcleos da área de transporte metropolitano, especialmente cara ao núcleo principal.

A Dirección Xeral de Mobilidade, por propia iniciativa ou atendendo as solicitudes motivadas dos concellos participantes, poderá elaborar propostas de establecemento destes servizos, que serán acordados de xeito bilateral entre a Xunta de Galicia e os concellos afectados, prevendo nos ditos convenios que o déficit de explotación destes servizos será asumido nun 80% pola Xunta de Galicia e nun 20% polos concellos nos que teña tráfico autorizado o servizo. Aos servizos que se implanten consonte co anterior, seralles de aplicación o programa tarifario establecido neste convenio, coas regras de distribución de gasto establecidas neste Anexo.

Programa tarifario.

Zonificación

Para a delimitación das zonas da ATM da Coruña tívose en conta a contía e características dos fluxos de transporte (mobilidade) e as redes (oferta) en presenza. Unha zona de transporte estaría constituída por un ou varios municipios e o custo da viaxe ao que debe facer fronte o usuario depende do número de saltos.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

O número de saltos entre zonas vén determinado pola distancia, a rede viaria e o sistema de transporte existente permitindo a fácil incorporación das diferentes redes en presenza.

Os cadros que se contemplan a continuación poderán ser modificados pola Dirección Xeral de Mobilidade atendendo a razóns de mobilidade, coa conformidade dos concellos directamente afectados polas alteracións propostas. Enténdese por concellos directamente afectados aqueles que, para cada caso concreto, asuman o pagamento das relacións de mobilidade afectadas polas alteracións propostas.

Táboa 2. Zonas de transporte da ATM de A Coruña

Zonas	Ayuntamientos
C-Ber0	A Laracha
C-Ber1	Carballo
C-Bet0	Betanzos
C-Bet1	Oza-Cesuras
C-Bet2	Miño
C-Bet3	Curtis
C-Cor0	A Coruña
C-Cor1	Arteixo
C-Cor2	Cambre - Culleredo - Oleiros
C-Cor3	Bergondo - Sada
C-Cor4	Abegondo - Carral
C-Ord2	Cerceda
C-Ord3	Ordes

Táboa 3. Número de saltos entre as zonas de Transporte da ATM da Coruña.




CONCELLO DE BERGONDO

Estrada da Coruña, 12 - 15165 Bergondo (A Coruña) • Telf: 981 79 12 52 • Fax: 981 79 42 33

Zonas	Concellos	C-Ber0	C-Ber1	C-Ber0	C-Ber1	C-Ber2	C-Ber3	C-Cor0	C-Cor1	C-Cor2	C-Cor3	C-Cor4	C-Ord2	C-Ord3	Concellos	Zonas
C-Ber0	A Laracha	0	2	5	6	7	8	3	2	4	5	5	1	7	A Laracha	C-Ber0
C-Ber1	Carballo	2	0	7	8	9	10	5	4	6	7	7	2	9	Carballo	C-Ber1
C-Ber0	Betanzos	5	7	0	1	2	2	2	3	1	1	1	5	3	Betanzos	C-Ber0
C-Ber1	Oza-Cesuras	6	8	1	0	3	1	3	4	2	2	1	6	2	Oza-Cesuras	C-Ber1
C-Ber2	Miño	7	9	2	3	0	9	4	5	3	2	3	7	8	Miño	C-Ber2
C-Ber3	Curtis	8	10	2	1	9	0	5	6	4	3	2	8	9	Curtis	C-Ber3
C-Cor0	A Coruña	3	5	2	3	4	5	0	1	1	2	2	3	4	A Coruña	C-Cor0
C-Cor1	Arteixo	2	4	3	4	5	6	1	0	1	3	3	4	5	Arteixo	C-Cor1
C-Cor2	Cambre - Culleredo - Oleiros	4	6	1	2	3	4	1	1	0	1	1	2	3	Cambre - Culleredo - Oleiros	C-Cor2
C-Cor3	Bergondo - Sada	5	7	1	2	2	3	2	3	1	0	1	5	6	Bergondo - Sada	C-Cor3
C-Cor4	Abegondo - Carral	5	7	1	1	3	2	2	3	1	1	0	1	2	Abegondo - Carral	C-Cor4
C-Ord2	Cerceda	1	2	5	6	7	8	3	4	2	5	1	0	2	Cerceda	C-Ord2
C-Ord3	Ordes	7	9	3	2	8	9	4	5	3	6	2	2	0	Ordes	C-Ord3
Zonas	Concellos	C-Ber0	C-Ber1	C-Ber0	C-Ber1	C-Ber2	C-Ber3	C-Cor0	C-Cor1	C-Cor2	C-Cor3	C-Cor4	C-Ord2	C-Ord3	Concellos	Zonas

Mapa 1. Mapa tarifario da ATM da Coruña.



Títulos de transporte

A Tarxeta do transporte de Galicia (TMG) será o medio de pagamento ordinario para a totalidade de servizos de transporte da área. A devandita tarxeta será emitida por aquela/s entidade/s colaboradora/s e basearase nunha tecnoloxía sen contacto que mellorará a cantidade e a calidade de información existente na rede de transporte da ATM da

21 (32)

PL 11.11.2020

Documento electrónico firmado digitalmente cuya integridad se garantiza mediante cotejo en la Sede Electrónica de este Organismo con Código de Verificación Digital (CVD) especificado al margen. (artículo 42.b de la Ley 40/2015, de 1 de octubre, del régimen jurídico del sector público)



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Coruña.

Doutra banda, prodúcese a unificación e simplificación dos títulos comercializados polos diferentes modos de transporte existentes na ATM da Coruña nos que a Xunta de Galicia é titular, quedando limitados aos seguintes:

- 1.1.a) Billete sinxelo. Válido unicamente para unha etapa, non permite o transbordo.
- 1.1.b) Tarxeta do transporte de Galicia (TMG). Esta tarxeta operará como unha tarxeta moedeiro multiviaxe e multimodal á que se aplican bonificacións que variarán en función dos transbordos realizados.
- 1.1.c) Tarxetas integradas no sistema (Tarxeta Millenium da Coruña ou Cidadá de Lugo)
- 1.1.d) Aplicación social da Tarxeta do transporte de Galicia (TMGS). Constitúe unha ferramenta que, mediante a utilización da TMG, permite xestionar aos promotores (públicos e/ou privados) as súas bonificacións de carácter social.

A Dirección Xeral de Mobilidade acordará a introdución de novos modos de pagamento integrados, baseados na evolución das tecnoloxías, informando ás Administracións participantes na Comisión de Seguimento do convenio.

Niveis de prezo

Os prezos neste sistema tarifario integrado, referidos á TMG e ao billete sinxelo nos modos adscritos á Xunta, fíxanse en función da O/D e non do número de etapas que son necesarias. Prodúcese unha despenalización total do transbordo nos pagamentos coa TMG nos modos de transporte integrados, e elimínase a competencia vía prezo entre os diferentes modos públicos.

Igualmente, ás persoas usuarias que abonen máis de corenta viaxes metropolitanas no mes natural a Xunta de Galicia libraralles en concepto de recorrencia unha bonificación suplementaria equivalente ao 15% do gasto efectuado nese mes. Este abono efectuarase a mes vencido, utilizando o programa deseñado para tal fin pola Dirección Xeral de Mobilidade.

Os niveis de prezos dos modos non adscritos á Xunta seguirán sendo fixados polas Administracións competentes ou se determinarán nos instrumentos de adhesión daqueles.

Táboa 4. Niveis de prezos (1).

Número de saltos	Tarxeta Metropolitana de Galicia (TMG) (2)	
	Billete sinxelo (efectivo)	Ata 40 viaxes / mes
0*	1,20 €	0,75 €
0	1,55 €	0,88 €
1	1,55 €	0,88 €
2	2,25 €	1,34 €
3	2,90 €	1,90 €
4	3,55 €	2,31 €
5	5,10 €	3,22 €
6	5,80 €	3,78 €
7	6,40 €	4,20 €
8	7,15 €	4,65 €
9	7,90 €	5,15 €
10	8,75 €	5,68 €

0* Viaxes no transporte urbano da cidade da Coruña

(1) Os niveis de prezo recollidos na táboa serán actualizados consonte á normativa de aplicación e o previsto neste convenio.

(2) O prezo de cancelación sempre será o reflectido na primeira columna. Os niveis de prezo que se reflecten na categoría



recorrenza (máis de 40 viaxes / mes) obteranse no momento da recarga.

A táboa de prezos por salto e os niveis de compensación estarán sometidas ás actualizacións que periodicamente aprobe a Consellería de Infraestruturas e Mobilidade consonte coas ordes revisión das tarifas. Sen prexuízo de subidas extraordinarias, con carácter xeral, tomarase como base para o devandito efecto os incrementos experimentados polo IPC do sector transportes ou os mecanismos que en cada momento se contemplen legalmente.

En todos os supostos a Dirección Xeral de Mobilidade informará aos concellos destas revisións, con carácter xeral con ocasión da primeira reunión da Comisión de Seguimento que terá lugar logo da súa aprobación.

As modificacións tarifarias serán directamente trasladadas ás porcentaxes de desconto, pagamento polos usuarios e imputación de bonificacións, que en cada caso corresponda, para o que a Dirección Xeral de Mobilidade informará ás demais Administracións parte das incidencias producidas. Igualmente, a Consellería de Infraestruturas e Mobilidade poderá dispor que as revisións de tarifas non se trasladen ao usuario, e se asuman, ben pola referida Administración dentro das obrigas previstas no presente documento, ben mediante a súa distribución equitativa entre as Administracións parte previa aprobación, neste caso, pola Comisión de Seguimento do convenio. Esta comisión poderá acordar, igualmente, variacións extraordinarias dos niveis de prezo fixados na dita táboa.

Niveis de compensación aos prestatarios de servizos de transporte público integrados no eido do plan

O sistema de compensación fixa o nivel de ingreso por cancelación coa TMG, tarxetas integradas ou billete sinxelo (este último título só nos modos adscritos á Xunta e nos que así se fixe nos acordos de integración) que recibirá o prestatario tras a posta en marcha do Sistema Tarifario Integrado. A fixación destes niveis perseguen os seguintes obxectivos:

- Non afectar ao equilibrio financeiro dos contratos de concesión.
- Conservar o sistema de incentivos baseado no risco e ventura. Os ingresos e a rendibilidade da explotación deben de estar vinculados ao número de viaxeiros.
- Manter os niveis de financiamento previamente adquiridos polas diferentes Administracións Públicas.

O sistema de compensación aplicado será o seguinte:

Contratos de concesión de servizos públicos de transporte regular de uso xeral adscritos á Xunta de Galicia:

O nivel de compensación establécese sobre o ingreso medio por viaxeiro percibido polo contratista, ben a nivel de concesión, ben por cada ATM-Contrato-Liña-Salto, multitude de viaxes O/D dun contrato-liña que quedarían englobados baixo a tarificación dun determinado salto, tras aplicar as Tarifas do contrato. Os ditos niveis de compensación poderán ser independentes do modo de pagamento (efectivo ou TMG), ou establecerse de xeito diferenciado para cada un deste modos de pagamento.

Resulta aplicable ás cancelacións realizadas con TMG, tarxetas integradas ou billete sinxelo, agás que este último coincida co nivel de compensación que resultase de aplicación para o dito pagamento en efectivo.

Contratos de concesión de servizos públicos de transporte regular de uso xeral adscritos, se fose o caso, a concellos:

O nivel de compensación establécese sobre o billete xeneralizado bonificado de Uso Xeral, Bonobús ou Tarxeta Normal. Resulta aplicable exclusivamente ás cancelacións realizadas con TMG ou tarxetas integradas. Actualizaranse por parte das Administracións competentes sobre os ditos servizos.

Contía das bonificacións

A diferenza entre o nivel de compensación (ingreso por cancelación asegurado ao prestatario do servizo) e o custo



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

efectivo determinado polo viaxeiro, denominada *Bonificación global da viaxe*, determina o volume de recursos globais a achegar polas Administracións públicas.

Esta bonificación global subdivídese en: *Bonificación zonal*, asociada á etapa principal, e *Bonificación por transbordos*.

O nivel de imputación e participación das diferentes Administracións públicas é diferente para cada unha delas.

[Bonificación total] = [Custo de prestación etapas] - [PvP ao usuario]

[Bonificación zonal] = [Compensación da etapa principal] - [PVP da etapa principal]

[Bonificación por transbordo] = [Bonificación total] - [Bonificación zonal]

Onde:

- [Compensación da Etapa Principal] indica o nivel de compensación da etapa con maior nivel de compensación do conxunto de etapas que conforman a viaxe.
- [PVP da Etapa Principal] indica o custo ao que tería que facer fronte o usuario pola realización da etapa con maior nivel de compensación da viaxe, con independencia das etapas anteriores ou posteriores que conforman a viaxe.

Imputación das bonificacións

O sistema de integración tarifaria determina que as contías das bonificacións previstas se repartan porcentualmente entre as Administracións implicadas atendendo a criterios de competencia (Administración competente), natureza da etapa (transbordo ou non) e uso (concello de orixe da primeira etapa e concello destino da última) seguindo o esquema de imputación de viaxes e repartición de custo que se mostra a continuación:

- Con respecto aos criterios de imputación da viaxe:
 - 1.1.e) Nos municipais, orixe e destino no mesmo concello, ao concello correspondente.
 - 1.1.f) Nos intermunicipais:
 - Mantemento do criterio de orixe sempre que o inicio da viaxe non se produza nun concello obrigado á prestación dun servizo urbano.
 - Aplicación do criterio de destino sempre que a orixe teña lugar nun concello obrigado á prestación dun servizo urbano.
- Con respecto á **participación da subvención por parte dos concellos**, establécese o seguinte:
 - a) Con respecto á bonificación zonal:
 - 20% con carácter xeral.
 - 100% naquelas viaxes urbanas realizadas en contratos urbanas ou en liñas declaradas de funcionalidade urbana cando o concello carece de contrato urbano a pesar de estar obrigado a iso.
 - b) Con respecto á bonificación por transbordo:
 - 0% con carácter xeral. A Xunta asume o custo de transbordo entre servizos integrados.

As imputacións que lles corresponden a cada concello derivan do cálculo informático das colectas enviadas polos prestatarios dos servizos públicos de transporte integrados no eido do plan de acordo cos criterios sinalados. Porén, no suposto de concellos integrados na mesma zona de transporte, pode substituírse este procedemento por un reparto porcentual consensuado entre eles, con base a criterios obxectivos de mobilidade.

Táboa 5. Esquema xeral de imputación das bonificacións.

24 (32)

PL 11.11.2020



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

AAPP	MARCO FINANCEIRO NA SITUACIÓN PROPOSTA		
	Sistema de transporte (Etapas)		% Bonificación zonal
Xunta	Servizo Xunta/ servicios metropolitanos*	80	100
	Servizos concello: liñas de funcionalidade urbana	0	0/100
Concellos	Servizos Xunta/ servicios metropolitanos*	20	0

*Transporte marítimo e outros modos de transporte integrados

Programa de información e infraestruturas

Basicamente, distínguense dous tipos de actuacións que conteñen unha serie de medidas a implementar a curto prazo:

- Facilitar ao cidadán o acceso a unha maior e mellor información do transporte público. Estas actuacións van dirixidas aos diferentes elementos que constitúen o sistema de transporte (puntos de parada, autobuses) e prevese a mellora de ferramentas xa existentes como a páxina Web.
- A execución dun plan de renovación da rede de marquesiñas e postes de parada con información accesible para o cidadán. A Consellería de Infraestruturas e Mobilidade, en colaboración coas demais Administracións participantes, analizará e revisará a información dispoñible sobre os diferentes puntos de parada dos servizos metropolitanos, coa finalidade de establecer consensuadamente os puntos de actuación e a orde de prioridade para a súa execución material, que presentará á Comisión de Seguimento no prazo dun ano dende a posta en funcionamento do plan. Simultaneamente a Dirección Xeral de Mobilidade elaborará un modelo de familia de mobiliario urbano ao que se axustarán as novas unidades subministradas na ATM da Coruña.

Contía e revisión das Achegas.

A achega que corresponde efectuar a cada Administración pública estímase nas contías que aparecen determinadas nas seguintes táboas (6 e 7), nas que así mesmo se especifica a porcentaxe de incremento de devanditas contías para os anos sucesivos. Estas previsións recollen o total das achegas por parte das diferentes Administracións públicas en base ao custo das actuacións e á porcentaxe de imputación.

Táboa 6. Contía e previsión anuais das achegas dos concellos da ATM de Coruña por programa.

Concello	Sistema Tarifario Integrado	Servizos de Interese Municipal (SIMU)	TOTAL
Abegondo	8.673,25 €	0,00 €	8.673,25 €
Arteixo	121.695,00 €	274.419,60 €	396.114,60 €
Bergondo	16.697,08 €	0,00 €	16.697,08 €
Betanzos	60.685,17 €	0,00 €	60.685,17 €



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Cambre	87.687,26 €	80.983,31 €	168.670,57 €
Carballo	29.184,05 €	0,00 €	29.184,05 €
Carral	11.021,14 €	0,00 €	11.021,14 €
Cerceda	695,20 €	0,00 €	695,20 €
Coruña, A	8.248,52 €	0,00 €	8.248,52 €
Culleredo	122.971,88 €	63.026,40 €	185.998,28 €
Curtis	4.217,34 €	0,00 €	4.217,34 €
Laracha, A	13.040,61 €	0,00 €	13.040,61 €
Miño	15.857,12 €	0,00 €	15.857,12 €
Oleiros	129.148,14 €	68.309,64 €	197.457,78 €
Ordes	6.411,99 €	0,00 €	6.411,99 €
Oza-Cesuras	3.076,72 €	0,00 €	3.076,72 €
Sada	38.287,93 €	0,00 €	38.287,93 €
Total	677.598,40 €	486.738,95 €	1.164.337,35 €

Táboa 7. Contía e previsión anuais das achegas da Xunta na ATM da Coruña

Programa	Achegas anuais*
Política Tarifaria Integrada	
Recorrenca e Familia Numerosa	
UDC	
Xente Nova Bonificacións	
Total	4.509.834,58 €

* Non se teñen en conta os importes relativos ás compensacións por obrigas de servizo público (COSP) e as compensacións tarifarias por usuarios con dereito a reserva de praza (CURP), debidas a escolares que teñen dereito recoñecido a viaxar gratuitamente dentro da ATM da Coruña A bonificación correspondente á tarifa Xente Nova establecerase na correspondente Orde pola que se estableza ou prorrogue a dita tarifa. A achega UDC establecerase no convenio de colaboración que se formalice coa UDC

Táboa 8. Contía e distribución anual das achegas derivadas directamente do presente convenio de colaboración

	2021	2022	2023	2024
Abegondo	8.673,25 €	8.673,25 €	8.673,25 €	8.673,25 €
Arteixo	396.114,60 €	396.114,60 €	396.114,60 €	396.114,60 €
Bergondo	16.697,08 €	16.697,08 €	16.697,08 €	16.697,08 €
Betanzos	60.685,17 €	60.685,17 €	60.685,17 €	60.685,17 €
Cambre	168.670,57 €	168.670,57 €	168.670,57 €	168.670,57 €
Carballo	29.184,05 €	29.184,05 €	29.184,05 €	29.184,05 €



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf: 981 79 12 52 • Fax: 981 79 42 33

Carral	11.021,14 €	11.021,14 €	11.021,14 €	11.021,14 €
Cerceda	695,20 €	695,20 €	695,20 €	695,20 €
Coruña, A	8.248,52 €	8.248,52 €	8.248,52 €	8.248,52 €
Culleredo	185.998,28 €	185.998,28 €	185.998,28 €	185.998,28 €
Curtis	4.217,34 €	4.217,34 €	4.217,34 €	4.217,34 €
Laracha, A	13.040,61 €	13.040,61 €	13.040,61 €	13.040,61 €
Miño	15.857,12 €	15.857,12 €	15.857,12 €	15.857,12 €
Oleiros	197.457,78 €	197.457,78 €	197.457,78 €	197.457,78 €
Ordes	6.411,99 €	6.411,99 €	6.411,99 €	6.411,99 €
Oza-Cesuras	3.076,72 €	3.076,72 €	3.076,72 €	3.076,72 €
Sada	38.287,93 €	38.287,93 €	38.287,93 €	38.287,93 €
Xunta de Galicia	3.821.706,06 €	3.821.706,06 €	3.821.706,06 €	3.821.706,06 €

Bergondo, o 3 de novembro de 2020
A alcaldesa. Alejandra Pérez Máquez”

A Sra. Alcaldesa explica que na última comisión de seguimento do plan de transporte metropolitano no mes de setembro anunciouse que se nos iba a dar traslado do novo convenio, continuación do outro. Este convenio non se pode seguir prorrogando e hai que facer un novo, practicamente coas mesmas cláusulas pero actualizando e incluíndo certas melloras e novidades que se foron introducindo nos derradeiros anos, como as tarxetas xente nova. O texto do convenio vén sendo o mesmo que aínda está en vigor, coa incorporación do resto dos concellos, e mesmo chegando ata Oza-Cesuras e ata Laracha. O ámbito agora é moito maior, non se circunscribe á area metropolitana da Coruña. O sistema é por saltos de zonificación, estando no noso caso na zonificación con Sada e a partir de aí o prezo do billete vai en función do número de saltos que se fagan nas diferentes zonas. Incorpóranse tamén a estimación das achegas económicas, que no noso caso é de 16.600 euros, aínda que seguramente será maior, e que tamén vai en función do número de usuarios que ten o transporte. Ao final de ano fáísenos a liquidación do exercicio conforme ao números de usuarios que fixeron uso do transporte e baseándose neso, a proposta para o ano seguinte. Poden botarse en falta máis liñas de transporte, pero este non é o obxecto do convenio; para eso xa saíu meses atrás unha proposta da Xunta para unha nova regulación e distribución do transporte en toda Galicia. A certificación deste acordo ten que estar antes do venres enviada a Consellería, e este é un dos motivos deste pleno extraordinario.

O Sr. voceiro do PP considera importante que logo de superar esta pandemia sigamos pelexando porque haxa posibilidade de máis rutas e horarios, ir traballando para que no seguinte plan que saque a Xunta se teñan cuantificadas as necesidades que poidan xurdir para a nosa veciñanza.

A Sra. Alcaldesa matiza que isto é unha cuestión de custos e tanto os concellos como a Xunta temos a obriga de soportar a parte deficitaria nas novas liñas, etc... Hai que intentar aproveitar as liñas de interese municipal, metropolitano; en todo caso esta é unha necesidade da que todos somos conscientes.

O Sr. voceiro do grupo mixto manifesta botar en falta por parte da Xunta que se presente un plan máis ambicioso en canto a liñas. En calquera caso é mellor ter este acordo que ningún. O seu voto será favorable.



O Sr. voceiro de AV sinala que hai marxe de melloras para o futuro, nas que haberá que insistir en próximas convocatorias ou plans.

Trala correspondente deliberación, e rematadas as intervencións, sométese o ditame a votación, que tivo o seguinte resultado: grupo municipal do PSdG-PSOE: cinco (5) votos a favor; grupo municipal do Partido Popular: catro (4) votos a favor; grupo municipal de Alternativa dos Veciños: dous (2) votos a favor; grupo mixto: un (1) voto a favor. **Total doce (12) votos a favor.**

En consecuencia, pola Sra. alcaldesa **declárase aprobado, por unanimidade de votos a favor** o ditame que devén en acordo nos termos antes transcritos

3. PACTO DE ALCALDÍAS PARA O CLIMA E A ENERXÍA. ACORDOS QUE PROCEDAN. EXPEDIENTE. 2020/X998/000547

A continuación dáselles conta aos/ás asistentes da proposta dictaminada favorablemente por maioría de votos a favor, pola Comisión Informativa de Asuntos do Pleno, en xuntanza do 6 de novembro de 2020, que transcrita literalmente di:

“A Comisión Europea puxo en marcha en 2008 o Pacto dos alcaldes (Covenant of Mayors), unha iniciativa aberta a todas as cidades e municipios en Europa co obxectivo de involucrar as autoridades locais e os cidadáns no desenvolvemento e na aplicación da política enerxética da Unión Europea. A partir do éxito do Pacto dos alcaldes, en 2014 lanzouse a iniciativa Mayors’ Adapt, baseada no mesmo modelo de xestión pública, mediante a cal se invitaba as cidades a asumiren compromisos políticos e tomaren medidas para anticiparse aos efectos inevitables do cambio climático.

O 15 de outubro de 2015, a Comisión Europea lanzou o Pacto dos alcaldes para o clima e a enerxía (Covenant of Mayors for Climate & Energy), fusionando as iniciativas anteriores. Esta nova ferramenta pretende reunir os alcaldes das cidades europeas nunha rede permanente de intercambio de información para a aplicación de boas prácticas: mellorar a eficiencia enerxética no ámbito urbano, conseguir unha redución das emisións de CO2 no ámbito territorial local e aumentar a resiliencia fronte ao cambio climático.

O Pacto dos alcaldes para o clima e a enerxía consiste no compromiso dos concellos signatarios de facer propios os obxectivos da Unión Europea para o ano 2030 e reducir as emisións de CO2 no seu territorio en, polo menos, o 40 % a través de medidas de eficiencia enerxética e dun maior uso de fontes de enerxía renovable, traballando pola súa vez na implantación de medidas de adaptación ao cambio climático e aumento da resiliencia fronte a el, así como un aumento da cooperación coas autoridades locais e rexionais similares na UE e fóra dela para mellorar o acceso á enerxía segura, sustentable e alcanzable. Para alcanzar estes obxectivos, os municipios adheridos ao Pacto comprométese a redactar un Plan de acción para o clima e a enerxía sustentable (PACES), nun prazo máximo de dous anos desde a data de adhesión. O PACES inclúe un inventario de referencia de emisións (IRE) e unha avaliación de riscos e vulnerabilidades ante o cambio climático. Ademais, cada dous anos deberase presentar un informe de seguimento do PACES.

A tal efecto a Orde do 5 de maio de 2020 estableceu as bases reguladoras para a concesión de axudas a entidades locais asinantes do Pacto dos alcaldes para o clima e a enerxía sustentable, cofinanciadas polo



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Fondo Europeo de Desenvolvemento Rexional con cargo ao programa operativo Feder Galicia 2014-2020, en réxime de concorrencia non competitiva, para o ano 2020. (DOG nº 93 de 14 de maio de 2020).

*A actuación prevista consistiría na redacción dun documento denominado “**Plan de acción para o clima e a enerxía sustentable do Concello de Bergondo (PACES BERGONDO)**”.*

O Concello, en sesión plenaria celebrada o 28 de novembro de 2019, a adhesión do Concello de Bergondo ao Pacto dos Alcaldes para o Clima e a Enerxía, promovido pola Unión Europea e facultar ao Alcaldesa, Alejandra Pérez Máquez, a representar ao Concello de Bergondo, na sinatura do Pacto de Alcaldes e en calquera outras actuacións que requira a súa execución.

O Concello de Bergondo, como asinante do Pacto dos Alcaldes para o Clima e a Enerxía Sustentable, adquiriu o compromiso da redacción dun plan de acción propio PACES BERGONDO para a implantación dos obxectivos en materia de clima e enerxía da Unión Europea.

Os contidos do documento comprenden:

- a) Un inventario de referencia de emisións (IRE) para facer o seguimento da súa efectividade das accións de mitigación.*
- b) Unha avaliación de riscos e vulnerabilidades ante o cambio climático.*
- c) As medidas previstas para reducir e limitar as emisións de gases de efecto invernadoiro e prepararse para os impactos do cambio climático.*

O PACES é un documento chave que amosa como os asinantes do Pacto van a cumprir os seu compromisos de redución de emisións. Utiliza os resultados do Inventario de Referencia de Emisións (IRE) para identificar os mellores ámbitos de actuación e as mellores oportunidades para acadar o obxectivo de redución de CO2 das autoridades locais. Tamén define as medidas de redución concretas, xunto cos prazos e as responsabilidades asignadas, que traducirán a estratexia a longo prazo en accións.

Será especialmente importante para o cumprimento dos obxectivos de redución de emisións que as autoridades locais xoguen un papel exemplar e que, consecuentemente, tomen medidas excepcionais relativas aos propios edificios, instalacións, flota de vehículos, etc.

*O alcance dos contidos do “**Plan de acción para o clima e a enerxía sustentable do Concello de Bergondo (PACES BERGONDO)**”, cumprirá cos obxectivos descritos e, en particular, comprenderá os seguintes apartados, seguindo as recomendacións das guías establecidas a estes efectos:*

1) Resumo executivo do PACES.

2) Estratexia global.

A. Obxectivos e metas

B. Marco actual e visión de futuro

C. Aspectos organizativos e financeiros:

- Estructuras de coordinación e organizativas creadas/asignadas*



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

- *Persoal asignado*
- *Participación das partes interesadas e dos cidadáns*
- *Orzamento*
- *Recursos financeiros previstos para as inversións establecidas dentro do plan*
- *Medidas planificadas para o seguimento de resultados*

3) *Inventario de Referencia de Emisións e información relacionada, incluíndo a interpretación dos datos*

4) *Accións e medidas planificadas para todo o período de duración do plan.*

- *Estratexia a longo prazo, obxectivos e compromisos.*
- *Accións a corto/medio prazo. Incluíndo para cada acción:*
 - *Descrición.*
 - *Departamento responsable, persoa ou compañía.*
 - *Calendario de execución (fin-comezo, principais fitos).*
 - *Estimación de custes.*
 - *Estimación do aforro enerxético/aumento de produción de enerxía renovable.*
 - *Estimación da redución de CO2.*

A elaboración do PACES realizouse pola asistencia técnica externa contratada a estes efectos en colaboración co Concello, correspondendo a éste as labores de supervisión e achega da información necesaria, e á asistencia externa todas as labores necesarias para a confección do documento co alcance descrito no apartado anterior e que de forma resumida consistirán en:

- *O axuste de criterios xerais conxuntamente ao Concello, especialmente no referido a:*
 - o Obxectivos. o Criterios para a redacción do inventario de emisións de CO2.*
 - o Tipoloxía de solucións propostas para a redución das emisións de CO2.*
 - o Compromisos temporais asociados.*
- *A recompilación da documentación necesaria para a análise do marco actual e para a confección do inventario de emisións de CO2.*



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

- *A redacción do Plan. Unha vez rematado o Plan procederase á súa presentación no sitio web do Pacto, asistindo ao Concello no necesario para a carga de datos e achega de formularios.*

Polo que, continuando cos compromisos acadados no pleno de 28 de novembro de 2019, e tendo xa o documento PACES BERGONDO, esta alcaldía propón ao pleno, que previo dictame da comisión informativa, adopte o seguinte acordo:

Primeiro. Aprobar o documento *Plan de acción para o clima e a enerxía sustentable do Concello de Bergondo (PACES BERGONDO)*”.

Segundo. Presentar o devandito Plan na web do Pacto de Alcaldías para o Clima e a Enerxía.

Bergondo, 3 de novembro de 2020

A alcaldesa-presidenta. Alejandra Pérez Máquez”

A Sra. Alcaldesa indica que o ano pasado cando nos adherimos ao Pacto de alcaldes (agora Pacto das Alcaldías) unha das obrigas era a elaboración do Paces. En teoría íbamos a ter axudas de técnicos da Xunta. O pacés é un documento complexo tecnicamente, sobre todos para concellos pequenos e sen técnicos especializados. En maio saíu publicada a orde para poder contratar unha asistencia técnica, que foi concedida a tódolos concellos adheridos. A resolución desta subvención foinos comunicada o día 31 de agosto, houbo que pedir orzamentos a varias consultorías, etc...O documento chegou moi xusto de tempo, e constatouse que hai un erro na páxina 12 referido ás dotacións e infraestruturas públicas; xa está corrixido, e con esas correccións foi enviado hoxe. Tomouse como referencia o ano 2017 porque a partir dese ano comezaron a executarse proxectos máis ambiciosos en canto a aforros enerxéticos, tanto con fondos municipais ou do Idae. Desde esa data empezarán a contarse os aforros enerxéticos que se teñan feito cara ao ano 2030. Propóñense unha serie de accións que se deberían cumprir por parte da administración local en canto a cuestións de concienciación medioambiental, auditorías e melloras nos edificios municipais, tanto enerxéticas como de iluminación, campañas de concienciación, mellora no tratamento das augas residuais, mellora na eficiencia do parque móbil municipal, e unha partida importante no fomento das enerxías renovables en calefacción e auga quente sanitaria (referidas ás vivendas do noso término municipal). Esta é unha estimación que fai a asesoría técnica, en función do número de vivendas que hai no noso municipio e facendo unha análise da antigüidade que teñen. Isto é unha guía para intentar chegar a ese acordos que serán tamén unha responsabilidade das empresas, e dos fogares.

O Sr. voceiro do PP considera que o documento ten varias erratas e non se recolle certa información. Este documento debería pulirse algo, xa que contén estimacións que non son fáciles de cumprir, de cara a ter un documento que nos guíe. Bota de menos os plans de inundacións que aprobou a Xunta o ano pasado e que incluían, por exemplo, a zona de Miodelo.

A Sra. Alcaldesa aclara que se propoñen medidas, a súa materialización dependerá dos orzamentos municipais. Os datos están sacados dos plans que están aprobados, é unha información bastante teórica, baseada nos plans publicados na Xunta, o plan de incendios, o plan de inundacións. Trátese dun documento cara o ano 2030, é unha ruta.



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

O Sr. voceiro do grupo mixto manifesta que todo o que sexa a loita contra o cambio climático e o coidado do medio vai ter o seu apoio. O plan parécelles ambicioso, movílízase unha inversión importante e vai requirir de moita pedagogía para que a veciñanza colabore.

O Sr. voceiro de AV entende que, en xeral, tódalas administración e a xente na medida do posible deben “poñerse as pilas”. O problema é real e non é menor.

Trala correspondente deliberación, e rematadas as intervencións, sométese o ditame a votación, que tivo o seguinte resultado: grupo municipal do PSdG-PSOE: cinco (5) votos a favor; grupo municipal do Partido Popular: catro (4) votos a favor; grupo municipal de Alternativa dos Veciños: dous (2) votos a favor; grupo mixto: un (1) voto a favor. **Total doce (12) votos a favor.**

En consecuencia, pola Sra. alcaldesa **declárase aprobado, por unanimidade de votos a favor** o ditame que devén en acordo nos termos antes transcritos

Esta acta foi gravada con vídeo e audio. Consta no expediente do TEDEC 2020/G010/000007 o vídeo, que está dispoñible no seguinte enlace: <https://youtu.be/we.tl/t-KgKzhi9XZo>

A pegada dixital desta gravación de vídeo é a seguinte: 6004A85044909B8E933442E4958233B90C87C626BDC470CCAB33EC0752A0C558

Consta tamén no expediente TEDeC indicado a gravación de audio. A pegada dixital da gravación de audio é a seguinte: 4086DDEE0930E76C3D894AFEF798358DDA4FA6A0E3D469102EA5499ED4F26BBD

O algoritmo de pegada dixital é SHA-256 e o formato da pegada é a hexadecimal en ASCII (base 16). Pódese comprobar co arquivo e a ferramenta autofirma

Non habendo máis asuntos que tratar, a Sra. alcaldesa-presidenta levanta a sesión, sendo as vinte horas e dez minutos do expresado día. Autorízase a presente acta coa sinatura electrónica da presidenta e da secretaria, que dá fe.

A secretaria
Ana M.^a Cacharrón Castelos

V. e pr. A alcaldesa
Alejandra Pérez Máquez